

**Elim deb, yurtim deb yonib yashash kerak!**

# Turkiston

1925-yildan chiqqan  
boshlagan

«Kamolot» yoshlar ijtimoiy harakati  
Markaziy Kengashining nashri

www.turkiston.uz

2014-yil 1-sentabr, dushanba  
№ 69 (15811)

## ГЎЗАЛ ВАТАНИМИЗНИНГ УЛУҒ БАЙРАМИ

*Алишер Навоий номидаги Ўзбекистон Миллий боғида Ўзбекистон Республикаси давлат мустақиллигининг 23 йиллигига бағишланган байрам тантанаси бўлиб ўтди*

Мустақиллик — энг улуғ, энг азиз байрамимиз. Бу кун хурриятпарвар аждодларимизнинг асрий орзусини, халқимизнинг тенглар ичра тенг бўлиш ҳуқуқини юзага чиқаргани, миллий ўзлгимиз, қаддимиз ва қадримизни тиклагани билан улуғ, мўтабар. Мамлакатимиз тинчлиги ва тараққиёти, халқимиз фаровонлигини таъминлаётгани, фарзандларимиз келажагига мустақкам замин яратётгани билан азиз ва муқаррамдир.

Байрам тантаналаридан сурур туйган юртдошларимиз тилида «Ягонасан, муқаддас Ватаним, севги ва садоқатим сенга бахшида, гўзал Ўзбекистоним!» деган сўзлар қалб изҳори янглиғ янграмоқда. Диллардан дилларга кўчмоқда.

2014 йил, 31 август. Алишер Навоий номидаги Ўзбекистон Миллий боғи, унга туташ хиёбонлар, йўллар ва бинолар байрамона безатилган. Гуллар таровати, чироқлар шуъласи атрофга ажиб гўзаллик бахш этган. Рангин байроқчалар майин шамол эпкинди тебранади. Майдон атрофига ўрнатилган йирик мониторлар қадим Регистон мадрасалари

ва бугуннинг буюк обидаси — Мустақиллик майдонидаги Эзгулик аркасини эслатади. Саҳна теғрасидан таралган нурлар самода туташиб, яна ёйилиб кетади.

Бу ерга Олий Мажлис Сенаати аъзолари, Қонунчилик палатаси депутатлари, ҳукумат аъзолари, Ўзбекистон Қаҳрамонлари, фан ва маданият, адабиёт ва санъат намояндлари, ишлаб чиқариш илғорлари, тадбиркорлар, жамоат ташкилотлари, мамлакатимизда фаолият юритаётган хорижий давлатлар элчихоналари, халқаро ташкилотлар ваколатхоналари раҳбарлари ташриф буюрган.

Соат 19.00. Байрам тантанасида ҳозир бўлганлар Ўзбекистон Республикаси Президенти Ислам Каримовни қарсақлар билан кутиб оладилар.

Чорлов мусиқаси байрам шодиёнаси бошланаётганидан дарак беради.

Президент Ислам Каримов минбарга таклиф этилади.

Давлатимиз раҳбари мустақиллигимизнинг йигирма уч йиллиги билан бутун халқимизни муборакбод этади.

(Давоми 3-саҳифада)

## ПРЕЗИДЕНТ ИСЛОМ КАРИМОВНИНГ ЎЗБЕКИСТОН РЕСПУБЛИКАСИ МУСТАҚИЛЛИГИНИНГ ЙИГИРМА УЧ ЙИЛЛИГИГА БАҒИШЛАНГАН ТАНТАНАЛИ МАРОСИМДАГИ ТАБРИК СЎЗИ

Ассалому алайкум, азиз ватандошлар!

Муҳтарам меҳмонлар!

Бугун халқимиз она юртимизнинг буюк тарихидаги ҳақиқатан ҳам биз учун энг улуғ, энг азиз бўлган Ватанимиз мустақилликка эришган куннинг йигирма уч йиллик байрамини катта шоду хурамлик билан нишонламоқда.

Ана шу қутлуғ айём билан сиз, азизларимни, сизларнинг тимсолингизда бутун халқимизни чин қалбимдан табриклар, барча-барчангизга ўзимнинг чуқур ҳурматим ва эҳтиромимни билдиришдан бахтиёрман.

Азиз юртдошларим, қадрдонларим!

Биз ўта оғир, машаққатли синов ва курашларда қўлга киритган Ватанимизнинг Мустақиллик кунини нишонлар эканмиз, барчамизнинг ҳаётимизда чуқур из қолдирган, биз босиб ўтган тарихан қисқа

даврдан нималарни бошимиздан кечирдик, нималарга эришдик, таъбир жоиз бўлса, «Биз кеча ким эдигу бугун ким бўлдик?» деган фикр-мулоҳазалар беихтиёр хаёлимиздан ўтиши табиийдир.

Мустақиллик, истиқлол деган улуғ неъмат аввало халқимизга эркинлик ва озод ҳаётни берган, инсоний шаънимиз, миллий онгимиз, қадр-қимматимизни тиклаб, барчамизга ўзлгимизни англаш туйғусини, тилимиз, муқаддас динимизни, қадрият ва урф-одатларимизни қайтариб берган, Ватанимиз тарихида ҳеч нарса билан қиёслаб бўлмайдиган буюк санадир.

Мустақиллик биз учун — бу ўз тақдиримизни қўлга олиб, юртимизнинг ер ости, ер усти бойликлариغا эга бўлиш, беқиёс моддий ва маънавий салоҳиятимизни амалга ошириш, жаҳон миқёсида ўзимиз-

га муносиб ўрин эгаллаш демакдир.

Кечаги мустабид тузумда яшаган инсонлар яхши биланди: ўша пайтда Ўзбекистон деган гўзал бир диёрни, ўзбек деган буюк бир халқни ким танирди? Бизни мустақил давлат сифатида ким тан оларди?

Юртимиз қандай улкан ва ноёб бойликлар макони, азиз-авлиёлар, буюк алломалар, олим ва мутафаккирлар ватани эканини, биз қандай бетакрор мерос, қандай улуғ зотларнинг вориси эканимизни ким биларди?

Миллий қадр-қимматимизни, барчамиз учун муқаддас диний қадриятларимизни, урф-одатларимизни писанд қилмасдан, улар аёвсиз топталган замонларда бундан ортиқ алам ва бедодлик бўлиши мумкинмиди?

(Давоми 2-саҳифада)

## АЖДОДЛАР ХОТИРАСИ МУҚАДДАС

*Президентимиз Ислам Каримов раҳнамолигида эл-юртимиз озодлиги йўлида қурбон бўлганларнинг пок номларини тиклаш, руҳларини шод, қадамжоларини обод этиш борасида улкан ишлар амалга оширилди.*

Собиқ мустабид тузум даврида халқимизнинг юзлаб асл фарзандлари ном-нишонсиз кўмиб ташланган Тошкент шаҳрининг Бўзсув соҳилидаги қаровсиз жой давлатимиз раҳбари ташаббуси билан обод зиёратгоҳга айлантирилди. 2000 йилда бу ерда «Шаҳидлар хотираси» ёдгорлик мажмуи бунёд этилди. Мажмуа таркибида «Қатагон қурбонлари хотираси» музейи ташкил қилинди. 31 августни Қатагон қурбонларини ёд этиш кунини сифатида нишонлаш эзгу аънамага айланди.

Ушбу аънамага кўра 31 август тонгида «Шаҳидлар хотираси» хиёбонидан халқимизнинг озодлиги ва мустақиллиги йўлида қурбон бўлган аждодларимизни ёд этиш маросими ўтка-

зилди. Қуръон тиловат қилиниб, қатагон қурбонлари руҳига ҳурмат бажо келтирилди.

Маросимда Ўзбекистон Республикаси Президенти Ислам Каримов иштирок этди.

Мана шундай муборак жойларда, халқимиз озодлиги йўлида жон фидо қилган минг-минглаб ватандошларимизни эслар эканмиз, бугунги тинч ҳаёт, мусаффо осмон, тўкинлик ва фаровонликка қандай оғир йўқотишлар, синов ва машаққатлар эвазига эришганимиз хаёлдан ўтади. Улар бир умр орзу қилган, бугунги авлодга насиб этган мустақиллик, эркин ва фаровон ҳаётнинг аҳамиятини теранроқ англаймиз.

(Давоми 4-саҳифада)



# ПРЕЗИДЕНТ ИСЛОМ КАРИМОВНИНГ ЎЗБЕКИСТОН РЕСПУБЛИКАСИ МУСТАҚИЛЛИГИНИНГ ЙИГИРМА УЧ ЙИЛЛИГИГА БАҒИШЛАНГАН ТАНТАНАЛИ МАРОСИМДАГИ ТАБРИК СЎЗИ

**(Давоми, бошланиши  
1-саҳифада)**

Ўзбекистонимиз фақатгина хомашё етказиб берадиган, иқтисодийети бирёқлама ривожланган, пахта яккаҳоқимлиги ҳалокатли тус олган ўлкага айлантирилган, собиқ СССР таркибида энг қоқоқ аграр республика эмасмиди?

Халқимизни боқиш учун зарур бўлган озиқ-овқат маҳсулотларини четдан, кимларгадир ялиниб олиб келганимизни унутиб бўладими?

Эски тизим ҳукмронлик қилган охириги кунларда юртимизда атиги бир ҳафта-ўн кунга етадиган ун захираси қолганини, деярли очарчилик ёқасида турганимизни унутиш мумкинми?

Лекин мустабид тузум қандай адолатсизлик, зулм ва зўравонлигини ўтказмасин, халқимиз ўзлигини, иймон-этиқодини, дину диёнатини асло йўқотмади ва бошимизга қандай оғир ва машаққатли синовлар тушмасин, ўз қадр-қимматини юксак сақлаб келмоқда. Бу ҳақиқатни ҳеч ким ҳеч қачон эсидан чиқармаслигини истардим.

Муҳтарам дўстлар!

Бугун истиқлолимизнинг йигирма уч йиллик тўйини ўтказар эканмиз, биз танлаган демократик давлат ва фуқаролик жамиятини барпо этиш, дунёдаги тараққий топган мамлакатлар қаторига кириш йўлида амалга оширган ишларимизни баҳолаётган эканмиз, ҳеч иккиланмасдан айтишни ўзимнинг бурчим деб биламан:

юртимизда яшаётган ҳар қайси ёшу қари инсон, миллати, тили ва динидан қатъи назар, бошини баланд кўтариб, ягона Ватанимиз бўлмиш Ўзбекистонимизнинг гуллаб-яшнаши йўлидаги оламшумул ишларда менинг ҳам муносиб ҳиссам бор, деб айтишга ҳақлидир.

Ҳақиқатан ҳам, биз қўлга киритган ютуқлар — миллий давлатчилик қурилиши, кенг кўламли замонавий ислохотлар натижасида иқтисодийетимиз эришган барқарор ўсиш суръатлари, аҳолимизнинг турмуш даражаси ва сифати юксалиб, юртимиз қиёфаси тобора ўзгариб, чирой очиб бораётгани — буларнинг барчаси халқаро майдонда муносиб тан олинаётгани, обрў-этиборимиз ошаётгани ҳаммамизга катта ифтихор бағишлайди.

Мустақил тараққиёт йилларида мамлакатимиз иқтисодийети тахминан 5 карра, аҳоли жон бошига ҳисоблаганда 3,7 мартага ўсгани, халқимизнинг ҳаёт даражаси ва сифати ошганининг далили бўлмиш одамларимизнинг жон бошига оладиган даромадлари 8,7 баробар кўпайгани юртимизнинг қисқа даврда кечаги, ўзини боқишга қурби етмаган республикадан тез суръатлар билан ўсиб бораётган замона-

вий давлатга айланганининг яққол тасдиғидир.

Мана шу ютуқларнинг барчасини шу майдонда ўтирган сиз азизлар, сизларнинг тимсолингида меҳнаткаш, фидойи халқимиз ўз қўли билан яратиб, бугун мустақиллигимизнинг 23 йиллик қутлуғ байрами гурур ва ифтихор билан кутиб олаётгани энг юксак баҳолашга муносиб эмасми?!

Жаҳон молиявий-иқтисодий инқирози давом этаётганига қарамадан, Ўзбекистон иқтисодийетининг йиллик ўсиши охириги 10 йил давомида 8 фоиздан ошиб, барқарор ривожланиб бораётганини бугунги кунда камдан-кам давлатлар мисолида кўриш, кузатиш мумкин.

Мамлакатимизни мана шундай юксак суръатлар билан ривожлантириш, модернизация қилиш ва кенг кўламли ислохотларни жорий этиш мақсадида иқтисодийетимизда ўзлаштирилган капитал маблағлар ҳажми 180 миллиард доллардан ортиқ бўлиб, бунинг 60 миллиард доллардан зиёди хорижий сармоялардир.

Ана шу инвестициялар ҳисобидан аввало иқтисодийетимизнинг таркибини тубдан ўзгартириш, юксак технологияларга эга бўлган, ҳавас қилишга арзийдиган замонавий корхоналар қуриш, жаҳон бозорига рақобатдош бўлган маҳсулотларни ишлаб чиқариш, Ўзбекистон салоҳиятини янги босқичга кўтариш имконияти яратилганини кўп-кўп мисолларда кузатиш қийин эмас, албатта.

Айни шу йилларнинг ўзида аҳолимизнинг сони 10 миллион 300 минг кишига кўпайиб, бугунги кунда 31 миллион кишини ташкил этаётгани Ўзбекистонимизнинг инсоний салоҳиятини ошириб, янги босқич ва марраларга эришиш учун нафақат мустақам замин туғдирмоқда, керак бўлса, бошқаларни биз билан ҳисоблашишга мажбур қилмоқда.

Азиз юртдошларим!

Биз эски, ўзини оқламаган тизимдан янги тизимга ўтишда, бунинг учун мустақам пойдевор — фундамент қуришда шошиланганимиз йўқ. Яъни, биз «Янги уй қурмасдан туриб, эскисини бузманг» деган ҳикматли иборага итоат қилдик.

Биз танлаб олган тадрижий, эволюцион йўл — мақсад-муддаоларимизга босқичма-босқич, қадам-бақадам етиш йўлини ўзимизга маъқул топдик, уни катта синовлардан ўтказдик.

Йиллар ўтиши билан, олдимизга қўйган буюқ мақсадлар сари юришимизда чуқур ва атрофлича ўйланган, халқаро майдонда «ўзбек модели» деб тан олинган демократик ислохотлар йўли нақадар тўғри эканини ҳаётимизнинг ўзи оқлаб, исботлаб бермоқда ва бу ҳақиқатга бизга хайрихоҳ бўлмаган мутахассис ва экспертлар, тегишли халқаро инс-

титутлар ҳам иқрор бўлмоқда.

Шулар ҳақида гапирганда, мамлакатимиз тараққиётида янги босқич ва уфқларни забт этишда барчамизни қувонтирадиган, энг катта мезон аввало юртимизда ҳукм сураётган барқарорлик, осойишталик ва ҳамкорлик, ўзаро ҳурмат ва меҳр-оқибат муҳити, ватандошларимизнинг тобора ўсиб бораётган дунёқараши ва онгу тафаккури, ҳуқуқий ва сиёсий маданияти ва фаоллиги, десак, ҳеч қандай хато бўлмайди.

Халқимизнинг маънавиятини янада юксалтириш учун амалга ошираётган ишларимиз ўз ҳосилини бермоқда ва шу фурсатдан фойдаланиб, айтмоқчиман — бу соҳада эришган марраларимиз билан биз ҳеч кимдан кам бўлмасдан, кўпгина манамен деган давлатлардан ўзиб кетганимизни энг муҳим ютуғимиз, деб ҳисоблайман.

Бир пайт билдирган фикримни яна такрор айтаман: моддий нуқтаи назардан биз энг ривожланган давлатлардан балки ҳали орқададирмиз. Лекин, биз ўз йўлимизни танладик ва бу йўлдан қайтмасдан, қатъий ишонч билан айта оламиз: моддий нуқтаи назардан ҳам бу марра албатта бизники бўлади, аммо маънавий нуқтаи назардан қараганда, энг енгилмас куч ўзи нима? Юксак маънавиятли халқ эмасми? Ўзингиз айтинг, бундай халқни енгиб бўладими?

Бу ҳақда сўз юритганда, бошлаган ишларимизнинг давомчилари бўлмиш азиз фарзандларимизни ўз фикрига, ўз қарашларига эга, замонавий билим ва касб-хунарларни пухта эгаллаган, эртанги кунимизнинг масъулиятини ўз зиммасига олишга қодир бўлган, бугунги давр талаб қиладиган соғлом ва баркамол авлод этиб тарбиялаш масаласига ўз вақтида устувор аҳамият бериб, уни умуммиллий даражага кўтарганимиз — энг тўғри, узокни кўзлаган, ҳаётимизда ўзини тўла оқлаган тарихий қадам бўлди.

Бир фарас қилайлик, биз бундан 17 йил олдин таълим соҳасини мутлақо ўзгартирган, янги, замонавий босқичга олиб чиққан дастурларни қабул қилмасак, бугун тез ўзгараётган глобаллашув даври, ҳаётимизга тобора чуқур кириб бораётган Интернет асрининг ўткир ва мураккаб талабларига муносиб жавоб бериш, мамлакатимизнинг тараққиётини, истиқболини таъминлаш, биз кўзлаган, келажаги буюқ давлат қуриш деган улғу мақсадни олдимизга қўйиш мумкинмиди?

Азиз болаларим, «қадрдонларим!

Бугун мана шу мухташам майдонда жамулжам бўлиб ўтирган сиз, ёш авлодимиз вакилларига, менинг фарзандларим бўлмиш бутун Ўзбекистон ёшларига қалбимда, юрагим-

да бўлган бир фикрни айтмоқчиман: ҳар қачон сизлар билан учрашганда, сизларнинг ёниб турган кўзларингизни, навқирон қадди-қоматингизни, сизлар эришаётган ютуқларни кузатганда, кўпчилик қатори мен ҳам ўзимда худдики қанот пайдо бўлгандек ҳис этаман.

Сизлар қаерда, қайси соҳада бўлмасин — билим олиш, илму фан чўққиларини эгаллаш, энг замонавий касб-хунарларни ўзлаштириш, бизнес соҳасини ривожлантиришда, спорт майдонларида Ўзбекистоннинг шухратини тараннум этишда барчага намуна бўлаётганингиз, сўзсиз, ҳаммамизни қувонтиради.

Бунинг яққол тасдиғини куни кеча Хитой Халқ Республикасининг Нанкин шаҳрида ўтказилган ўсмирлар ўртасидаги Иккинчи Олимпия ўйинларида 28 нафар ёш спортчимиз қатнашиб, 4 та олтин, 3 та кумуш, 3 та бронза, ҳаммаси бўлиб — 10 та медални қўлга киритган бутун Ўзбекистонимиз ёшларининг мустақиллигимизнинг 23 йиллик байрамига улкан ҳиссаси бўлди, десам, айтишга қўйиб айтган бўламан.

Ўзингиз бир ўйлаб кўринг, 28 нафар навқирон ўғил-қизларимиз ана шундай нуфузли халқаро мусобақада ҳеч кимга бўш келмасдан, азму шижоат кўрсатиб, илгари биз тасаввур қилишимиз ҳам қийин бўлган шундай улкан марраларга эришган экан, бу бутун Ватанимизнинг ютуғи эмасми?

Азиз фарзандларим, ҳеч қачон унутманг: сиз эришган марра ва ютуқларингиз халқимиз, элимиз эришган ютуқлар деб ҳисоблайман, сизнинг бугунги ва эртанги кунингиз янада ёруғ бўлиши учун бор кучимни аямайман.

Ёшлар ҳақида қанча гапирсам, чарчамайман. Бу ҳақда гапирганда, очигини айтсам, ўзимни ҳам худди яшариб кетгандек ҳис қиламан.

Бугун биз бошлаган улғу ишларнинг давомчилари бўлмиш мана шундай йигитлар, қизларимизни, уларнинг бахту камолини кўриб, шундай гўзал юртда, шундай ёруғ, мусаффо осмон остида яшаш насиб этганига барчамиз шукроналар айтамыз. Бундай бахтли ҳаётни халқимиз асрлар, минг йиллар давомида ҳавас ва орзу қилиб яшаган эди. Бизни мана шундай саодатли кунларга Худо етказяпти. Ҳар тонгда пок бўлиб, чин дилдан сўрасак, Яратганимизнинг ўзи албатта йўлимизни очиб беради. Ва Оллоҳнинг назари тушган мана шу муқаддас юртда ҳеч ким ҳеч қачон кам бўлмайди, иншоолло.

Муҳтарам дўстлар!

Ҳозирги кунда дунёнинг турли ҳудуд ва минтақаларида, яқин ва узок атрофимизда экстремизм ва терроризм, қарама-қаршилик, қон тўкилиши, хавф-хатарлар ортиб, уму-

ман, вазият тобора кескинлашиб бораётгани барчамизни хавотир ва ташвишга солиши табиийдир.

Минг афсуски, бундай қонли тўқнашувлар, низо ва зиддиятлар ўз ечимини топиб, қамайиш ўрнига кўпайиб бормоқда.

Бундай ўта нотинч, таҳликали шароитда энг муҳим масала — бу ҳам бўлса, қаерда, дунёнинг қайси чеккасида бўлмасин, энди бошланаётган қарама-қаршилик ва пайдо бўлаётган можароларни эътиборсиз қолдирмаслик, улар урушга айланиб кетишининг олдини олиш учун вазият доимо жаҳон ҳамжамияти назоратида бўлиши даркор.

Ўзбекистоннинг позицияси бундай ҳолатлар, кескин зиддият ва тўқнашувларни фақатгина сиёсий йўл, тинч воситалар билан ҳал этиш, Бирлашган Миллатлар Ташкилотининг Низомида муҳрлаб қўйилган асосий принципларга ва халқаро нормаларга итоат қилган ҳолда, давлатларнинг суверенитети ва чегараларнинг дахлсизлигини бузишга, зўравонлик ва куч ишлатишга йўл қўймайликдан иборатдир.

Мана шундай ўта мураккаб вазият барчамиздан аввало огоҳ, ҳушёр ва сезgir бўлишни талаб қилмоқда.

Яқин ва узок кўшунларимиз билан тил топиб, бизларни бирлаштирадиган умумий мақсадлар йўлида ҳамкорликни янада кучайтириш, ўзаро манфаатли алоқаларни ўрнатиш устувор вазифамиз бўлиб қолишни замоннинг ўзи тақозо этмоқда.

Бизга тинчлик ва омонлик керак. Мана шундай эзгу фикр, эзгу интилиш барча-барчамизнинг юрагимиз, қалбимиздадир, десам, айтишга қўйиб айтган бўламан.

Фурсатдан фойдаланиб, бизнинг бугунги энг улғу, энг азиз байрамимизга ташриф буюрган муҳтарам меҳмонларимизга, хорижий давлатларнинг элчилари, халқаро ташкилотларнинг вакилларига ўзимнинг юксак ҳурмат ва эҳтиромимни билдириш менга катта мамнуният етказяпти.

Сизларнинг Ўзбекистонга доимо хайрихоҳ бўлиб, амалий ёрдам кўрсатиб келаётганингиз учун халқимиз номидан чин қалбимдан миннатдорлик билдираман, барчангизга сиҳат-саломатлик, юртингизга равнақ тилайман.

Муҳтарам ватандошларим, қадрдонларим!

Шу мунаввар оқшомда барчангизни бағримга босиб, Мустақиллик байрами билан табриқлар эканман, ҳаммангизга тинчлик-омонлик, бахту саодат, хонадонларингизга, эл-юртимизга файзу барака тилайман.

Юртимиз тинч, осмонимиз мусаффо бўлсин!

Мустақиллигимиз абадий бўлсин!

# ГЎЗАЛ ВАТАНИМИЗНИНГ УЛУҒ БАЙРАМИ

(Давоми, бошланиши  
1-саҳифада)

Ўзбекистон Республикасининг давлат мадҳияси янграйди. Байрам аҳли қўлларини кўксига қўйиб, мамлакатимизнинг бош қўшиғига жўр бўлади. Мониторларда Истиқлол манзаралари намоён бўлади. Уларга боқиб юрак тўлқинланади, гурурга тўлади.

Майдон мозий нурига шўнғийди. Ғойибдан Амир Темурнинг виқорли овози эшитилади. Буюк Соҳибқирон авлодларига Ватанни ҳурлик ва ободликка элтишни, миллат дардларига дармон бўлишни васият қилади. Бу давват ва эзгу ниятнинг ижобати сифатида мониторларда Президентимиз Ислоҳ Каримов 1991 йил 31 август куни Ўзбекистон Республикасининг мустақиллигини эълон қилган тасвирлар намоён бўлади.

Бу кун тарих солномасида янги даврни бошлаб берди. Юртимизга ҳурлик, элга бахт, нажот ато этди. Ватанимиз халқаро ҳамжамиятда ўз ўрнига, ўз сўзига эга бўлди. Мамлакатимизда тинчлик-осойишталик ҳукм сурмоқда. Юртимиз иқтисодиёти изчил ривожланиб, халқимиз турмуш даражаси муттасил юксалиб бормоқда.

Президентимиз томонидан ишлаб чиқилган тараққиёт тамойиллари — «Ўзбек модели» асосида сиёсий, иқтисодий ва ижтимоий ислохотлар ҳаётга татбиқ этилмоқда. Иқтисодиётнинг мафқурадан холилиги ва сиёсатдан устунлиги, давлатнинг бош ислохотчи вазифасини бажариши, қонун устуворлиги барча соҳаларда улкан самаралар бермоқда. Кучли ижтимоий сиёсат халқимизга моддий ва маънавий мадад бўлаётир. Ислохотларнинг босқичма-босқич амалга оширилиши юзага келиши мумкин бўлган иқтисодий ва ижтимоий бўҳронларнинг олдини олиб, ислохотлар самардорлигини таъминламоқда.

Давлатимиз раҳбари томонидан баён этилган Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепцияси юртимизда амалга ошириляётган демократик янгиланиш жараёнларининг мантиқий давоми бўлди. Узоқ муддатга мўлжалланган мазкур демократик дастурга мувофиқ давлат ҳокимияти ва бошқаруви органлари, судлар ва оммавий ахборот воситалари фаолияти ҳамда сайлов тизимини такомиллаштиришга қаратилган қонунлар қабул қилинмоқда.

Фуқаролик жамияти ривожига қаратилган алоҳида эътибор натижасида маҳалларнинг ижтимоий-иқтисодий ҳаётимиздаги ўрни ва таъсири тобора ортиб бормоқда. Бугунги кунда ушбу тизим аҳолини ижтимоий ҳимоялаш, бандликни таъминлаш, маънавий муҳит барқарорлиги ва тинчлик-осойишталикни мустаҳкамлаш, ҳудудларни обо-



донлаштириш, кичик бизнес ва тадбиркорликни ривожлантириш каби қатор вазифаларни бажариб келмоқда.

Фуқаролар ўзини ўзи бошқариш органлари ҳудуддаги муҳим масалаларни ҳал этмоқда. Маҳаллий бошқарув органлари фаолияти устидан жамоатчилик назорати олиб борилмоқда. Маҳаллада том маънодаги демократик кадрятлар ривожланмоқда. Бу ўтган йилнинг ноябрь-декабрь ойларида ўтказилган фуқаролар йиғинлари раислари ва уларнинг маслаҳатчилари сайловида ҳам яққол ифодасини топди. Умумэътироф этилган демократик тамойиллар асосида ўтказилган мазкур сайлов жорий йилда Ўзбекистон Республикаси Олий Мажлиси Қонунчилик палатаси ва маҳаллий Кенгашларга бўлиб ўтадиган сайловлар олдида муҳим босқич бўлди.

...Илдизлари мустаҳкам дарахт кўкка бўй чўзади. Келажак мозийдан кувват олади. Байрам саҳнасида янграётган мумтоз куй-қўшиқларда халқимизнинг маънавий мероси, аждодларимизнинг ижодий салоҳияти намоён бўлади.

Истиқлол йилларида Ватанимизнинг бой маънавий-маданий мероси тикланди. Юртбошимиз ташаббуси билан Амир Темур, Мирзо Улуғбек, Жалолиддин Манғуберди, Алишер Навоий сингари улғу боболаримизнинг юбилейлари кенг нишонланди. Абдухалиқ Ғиждувоний, Имом Бухорий, Баҳоуддин Нақшбанд, Имом Термизий, Имом Мотуридий, Аҳмад Фарғоний, Бурҳониддин Марғиноний каби буюк аждодларимиз қадамжолари обод этилди, ҳаёти ва бебаҳо мероси ўрганилмоқда.

Самарқанд, Бухоро, Хива, Шахрисабз, Қарши, Термиз, Тошкент, Марғилон сингари қадим ва муаззам шаҳарларимиз юбилейи халқаро миқёсда тантана қилинди. «Авесто»нинг 2700 йиллиги, «Алпомиш»нинг 1000 йиллиги, Хо-

разм Маъмур академиясининг 1000 йиллигини нишонлаш асносида тарихимиз янада теран ўрганилди, шаҳарсозлигимиз, маданиятимиз илдизлари тадқиқ этилди.

Президентимиз ташаббуси билан ташкил этилган ва Самарқандда муваффақият билан ўтган «Ўрта асрлар Шарқ алломалари ва мутафаккирларининг тарихий мероси, унинг замонавий цивилизация ривожига роли ва аҳамияти» мавзусида халқаро конференция дунёда буюк аждодларимизнинг даҳосига ҳурмат-эҳтиром, уларнинг бой илмий меросини ўрганишга қизиқиш ҳамон юқори эканлиги кўрсатди. Унда иштирок этган олимлар, нуфузли халқаро ташкилотлар раҳбарлари, илмий марказлар ва институтлар мутахассислари Ўзбекистон алломаларининг дунё илм-фани ва маданияти ривожига қўшган ҳиссасини яна бир бор эътироф этди. Мамлакатимизда тарихни ўрганиш, таълим тизимини ривожлантиришга қаратилган эътибор самараларини юксак баҳолади.

...Болалик умрнинг беғуборлик, бахтиёрлик палласи. Бугунги болаларнинг юракларида ўтмиш залолати, ноҳақлик асоратидан қолган доғлар йўқ. Улар — озод ва обод юрт болалари. Уларнинг юз-кўзларида ҳамisha кувонч, дилларида олам-олам орзулар бор. Байрам саҳнасини шодликка тўлдирган болажонларнинг қўшиқлари шунга ҳамоҳанг.

Халқимиз — болажон. Барча орзу-ҳавасларимиз, ҳаётимиз мазмуни фарзандларимиз билан боғлиқ. Бу менталитет давлатимиз сиёсати, мамлакатимизнинг стратегик мақсадларида ҳам ўз ифодасини топган.

Мустақиллик йилларида Юртбошимиз раҳнамолигида болаларнинг соғлом туғилиши ва баркамол улғайиши учун барча шароит яратилди. Оналик ва болаликни муҳофаза қилиш, ижтимоий ҳимояни ку-

чайтириш, таълим тизимини такомиллаштириш, болалар спортини ривожлантириш каби соҳалардаги ислохотлар ўзаро узвийлик касб этиб, изчил амалга оширилди. Бугун замонавий тиббий марказлар, таълим муассасалари, спорт иншоотлари ҳар жиҳатдан соғлом ва баркамол авлодни тарбиялашга хизмат қилмоқда.

Мамлакатимизда Соғлом бола йили деб эълон қилинган жорий йилда бу борадаги ишлар кўлами янада кенгайди. Жамиятимизда соғлом турмуш тарзини қарор топтириш, аҳолининг тиббий маданиятини юксалтириш, ирсий касалликларнинг олдини олиш, оилаларни мустаҳкамлаш борасидаги ишлар изчил давом этмоқда.

Бунинг асосий воситаси сифатида спортни ривожлантиришга алоҳида эътибор қаратилмоқда. Президентимиз томонидан асос солинган Ўзбекистон Болалар спортини ривожлантириш жамғармасининг фаолияти умуммиллий ҳаракатга айланди. Бу жараён таълим-тарбия тизими билан мутаносиб равишда олиб бориляётгани ёшларимизни ҳам маънавий, ҳам жисмоний жиҳатдан уйғун ривожлантиришга хизмат қилмоқда.

Спортда тобланган ёшларимиз камолоти дўстлик ва саломатлик байрамига айланиб бораётган уч босқичли спорт мусобақаларида яққол намоён бўлаётир. Жорий йил Наманган шаҳрида ушбу тизимнинг ўрта бўғини — «Баркамол авлод» спорт ўйинларининг финал босқичи бўлиб ўтди.

Майдонга яқинда Хитойнинг Нанкин шаҳрида ўтказилган ўсмирлар ўртасидаги II Олимпия ўйинларида ғолиб бўлган ёш спортчиларимиз кириб келади. Жаҳоннинг энг нуфузли мусобақаларидан бирида муносиб қатнашиб, 4 олтин, 3 кумуш ва 3 бронза медални қўлга киритган қаҳрамон йигит-қизларни байрам аҳли олқишлар билан кутиб олади.

...Ҳарбий оркестр садолари остида майдонда Ватан химоячилари саф тортади. Уларнинг қадамларидаги залвор юракларни ларзага солади. Мустақиллигимизнинг мустаҳкам қалқонлари «Тинчлигинг асраймиз, муқаддас Ватан!» дея куйлайди.

Тинчлик — тараққиёт ва фаровонликнинг асосий омили. Мамлакатимизда ана шу омилнинг доим барқарорлиги туфайли барча соҳаларда улкан ютуқ ва марраларга эришилмоқда. Ўзбекистон Республикаси Президенти, Қуролли Кучларимиз Олий Бош Қўмондони Ислоҳ Каримов раҳнамолигида замонавий Қуролли Кучларни шакллантириш, унинг қудрати ва салоҳиятини ошириш бўйича амалга ошириляётган тизимли ислохотлар бунда муҳим аҳамият касб этмоқда.

Ўзбекистон қатъий тинчликсевар сиёсат юритиб келмоқда. Давлатимиз ҳеч қандай ҳарбий-сиёсий блокларда иштирок этмайди. Аскарларимиз фақат ўз Ватани, ўз халқи тинчлиги ва дахлсизлигини ҳимоя қилади. Давлатимиз ташқи сиёсати миллий манфаатларнинг устуворлиги, халқаро ҳуқуқ меъёрларига риоя этиш, баҳсли масалаларни тинч йўл билан ҳал қилиш тамойилларига асосланади.

Ана шундай қатъий сиёсати ва эзгу ташаббуслари сабаб мамлакатимизнинг жаҳон ҳамжамиятидаги обрў-эътибори тобора ошиб бормоқда. Энг ривожланган давлатлар, дунёга донғи кетган фирма ва компаниялар юртимиз билан ҳамкорликка интилмоқда.

Бугун Ўзбекистон 130 дан ортиқ давлат билан дипломатик муносабатлар ўрнатган. Тошкентда 45 мамлакатнинг элчихонаси, йигирмага яқин халқаро ташкилот ва молиявий муассаса ваколатхоналари фаолият кўрсатмоқда. Хорижий давлатларда, халқаро ташкилотлар ҳузурида Ўзбекистоннинг 50 га яқин дипломатик ва консуллик ваколатхонаси очилган. Мамлакатимиз БМТ, ШХТ, МДХ, Ислоҳ конференцияси ташкилоти каби нуфузли халқаро ва минтақавий тузилмаларга аъзо.

...«Ким эдигу ким бўлдиқ?». Саҳна ортидан ўқиляётган бу шеър халқимизнинг фикрини ифода этаётгандек, барчанинг қалбидан чиқаётгандек туюлади. Мониторларда элу юртимизнинг зафарли одимлари, йигирма уч йиллик тарих зарварақлари, бетакрор табиатимиз, меҳнатсевар юртдошларимиз сиймоси акс этади.

Мустақиллик йилларида Ўзбекистон иқтисодиёти бир-ёқлама ривожланган, асосан пахта хомашёси етказиб беришга ихтисослашган, пахта яккахокимлиги ҳалокатли тус олган қоқоқ республикадан саноати тез суръатлар билан ўсиб бораётган, жадал тараққий этаётган мамлакатга айланди.

(Давоми 6-саҳифада)

# АЖДОДЛАР ХОТИРАСИ МУҚАДДАС

**(Давоми, бошланиши  
1-саҳифада)**

Давлатимиз раҳбари уламолар, жамоатчилик вакиллари билан суҳбатда бугунги кунда мамлакатимиз ва жаҳонда рўй бераётган ижтимоий-сиёсий жараёнлар, олдимизда турган муҳим вазифалар тўғрисида ўз фикр-мулоҳазаларини билдирди.

— Бугун ҳаёт шиддат билан жуда тез ўзгариб борапти. Эртага бизни қандай хурсандчилик ва кувонч, айна вақтда қандай ташвиш ва муаммолар кутаётганини олдиндан айтиш албатта қийин, — деди давлатимиз раҳбари. — Лекин биз ҳаётдан доимо яхшилик кутиб, бошқаларга ҳам яхшилик тилаб яшайдиган халқмиз. Шунинг учун ҳам эртанги кунимизнинг бугунгидан кўра ёруғ, тинч ва фаровон бўлишини орзу қиламиз, шу йўлда ўзимизни аямасдан, бор куч ва имкониятларимизни сафарбар этамиз.

Барқарор тараққиёт йўлидан изчил қадамлар билан бораётган Ўзбекистонимизнинг турли соҳаларда эришаётган ютуқлари барчамизга ҳақли равишда ғурур ва ифтихор бағишламоқда. Биз қўлга киритган улкан натижаларни жаҳон ҳам-жамияти, бизга хайрихоҳ бўлган дўстларимиз ҳам, хайрихоҳ бўлмаганлар ҳам тан олмоқда.

Лекин ана шундай юксак марраларга биз осонлик билан эришганимиз йўқ. Бу йўлда қандай оғир синов ва машаққатларни енгиб ўтишга, туну кун тиним билмасдан, қандай фидокорона меҳнат қилишга тўғри келганини халқимиз яхши билади ва муносиб қадрлайди.

Ўтган давр мобайнида бизнинг эркин ва озод ҳаётимизни кўролмайдиган, бизни ўз танлаб олган йўлимиздан қайтаришга, эл-юртимизни яна қарамлик чангалига солишга уринадиган турли ғаразли кучларнинг ёвуз хуружларини ҳам бошимиздан кечирдик. Уларнинг нияти — аввало халқимиз ўртасига нифоқ солиш, ёшларимизнинг онгини, дунёқарашини бузиш, болаларимизни ўз ота-оналарига, аждодларига қарши қўйишдан,

бир сўз билан айтганда, одамларни ҳаётдан ноумид қилишдан иборат бўлганини, бундай кучлар ҳозир ҳам пайт пойлаб юрганини ҳеч қачон унутмаслигимиз, доимо оғоҳ, сергак, маънавий уйғоқ бўлиб яшашимиз керак, деб таъкидлади Юртбошимиз.

Бугунги кунда дунёнинг турли минтақа ва ҳудудларида авж олаётган қарама-қаршилик, жумладан, Яқин Шарқда, Ироқ ва Сурия мамлакатларида бўлаётган қонли тўқнашувлар, мусулмон дунёсидаги турли мазҳаб ва оқимлар ўртасида кучайиб бораётган ўзаро низо ва зиддиятлар, бегуноҳ одамларнинг қурбон бўлаётгани барчамизни ташвиш ва хавотирга солмасдан қўймайди.

Бундай ҳолатларнинг келиб чиқиш сабабларини, уларнинг фожиали оқибатларини чуқур тушуниб, англаб олишда, кенг жамоатчилигимиз, мўмин-мусулмонларга етказишда ҳурматли уламоларимиз, Ўзбекистон мусулмонлари идорасининг ходимлари янада фаоллик ва жонбозлик кўрсатсалар, айна муддао бўлур эди. Диний қадриятларнинг, эзгуликнинг, инсониятнинг душмани бўлган ёт ғояларнинг асл моҳиятини очиб бериш, бузғунчи оқимларни жиловлаш, жаҳолатга қарши маърифат билан курашиш, мана шундай тинч, мусаффо осмон остида бунёдкорлик меҳнати билан банд бўлиб, шукрона келтириб яшаётган олижаноб халқимизнинг тинч ҳаётини ҳар қандай бало-қазолардан асрашга ўз ҳиссамизни қўшиш — бугунги кундаги энг долзарб вазифамиз бўлиши керак, деб сўзини давом эттирди мамлакатимиз раҳбари.

Бу борада Ўзбекистон мусулмонлари идораси ва унинг жойлардаги тузилмалари, имом-хатибларимизнинг ҳаёт билан ҳамқадам бўлиб иш олиб боришлари, ўз фаолиятида замонавий ахборот-коммуникация технологияларидан кенг фойдаланишлари тобора муҳим аҳамият касб этмоқда.

Мухтасар айтганда, бугунги кунда юртимизда яшаётган ҳар қайси

инсон, ҳар бир мусулмон дунёда нима бўлаётганидан хабардор бўлиб, хавф-хатарлардан оғоҳ бўлиб, уларнинг олдини олиш, бартараф этиш учун, тинчлик ва осойишталикни мустаҳкамлаш йўлида курашиб яшаши зарурлигини ҳаётнинг ўзи талаб этмоқда.

Бу курашнинг замирида аввало жамиятимизда ҳукм сураётган ўзаро ҳурмат, миллатлар ва фуқаролар ўртасидаги ҳамжиҳатлик, меҳроқибат муҳитини янада кучайтиришга қаратилган интилиш ва амалий ҳаракатларимиз мужассам бўлиши зарур деб биламан. Қаранг, меҳр ва оқибат деган, доимо ёнма-ён келадиган бу икки сўзда қандай чуқур маъно бор. Яъни, меҳр кўрсатган, яхшилик қилган одам албатта бошқалардан оқибат ва яхшилик кўради, ҳар томонлама ҳурмат-этиборга сазовор бўлади.

Олдимизда турган мана шундай катта вазифалар ҳақида ҳурматли уламоларимиз муқаддас масканларда, масалан, Самарқанддаги Имом Бухорий халқаро илмий марказида тўплашиб, жамоатчилик вакиллари билан ўзаро кенгашиб, маслаҳатлашиб олишса, мақсадга мувофиқ бўлур эди.

Бугун, мустақиллигимизнинг 23 йиллик айёмини нишонлаётган қутлуғ бир кунда менинг тилагим, эзгу ниятим битта: кўпни кўрган, меҳнаткаш, бағрикенг, олижаноб халқимиз омон, юртимиз тинч бўлсин, барча эзгу ишларимизда Яратганимизнинг ўзи мададкор бўлсин, деди пировардида Юртбошимиз.

Шу кун Президентимиз Ислам Каримов Мустақиллик майдонига ташриф буюриб, озодлигимиз, ёруғ келажагимиз ва пок ниятларимиз рамзи бўлган Мустақиллик ва эзгулик монументи пойига гулчамбар қўйди.

Ўзбекистон Республикаси Олий Мажлиси Сенати ва Қонунчилик палатаси, Вазирлар Маҳкамаси, вазирликлар, идоралар ва жамоатчилик номидан ҳам ёдгорлик пойига гуллар қўйилди.

**ЎЗА**

# САМИМИЙ ҚУТЛОВЛАР

**Мамлакатимиз мустақиллигининг 23 йиллиги муносабати билан Ўзбекистон Республикаси Президенти Ислам Каримов номига хорижий давлатлар ва ҳукуматлар, нуфузли халқаро ташкилотлар раҳбарларидан самимий қутловлар келиб турибди. Уларда давлатимиз раҳбарига мустаҳкам соғлиқ, омонлик ва муваффақиятлар, Ўзбекистон халқига тинчлик-осойишталик, раванқ ҳамда фаровонлик тилаб, чин дилдан эзгу истаклар изҳор этилган.**

**Қуйидагилар ўз қутловларини йўллашган:**

**Пан Ги Мун** — Бирлашган Миллатлар Ташкилоти Бош котиби

**Елизавета II** — Буюк Британия ва Шимолий Ирландия Бирлашган Қироллиги Қироличаси

**Пак Кин Хэ** — Корея Республикаси Президенти

**Си Цзиньпин** — Хитой Халқ Республикаси Раиси

**Барак Обама** — Америка Қўшма Штатлари Президенти

**Пранаб Мукержи** — Ҳиндистон Республикаси Президенти

**Жозе Мануэль Баррозо** — Европа Иттифоқи Комиссияси Президенти

**Абдулла бин Абдулазиз Ол Сауд** — Икки муқаддас масжид ходими, Саудия Арабистони Подшоҳи

**Салмон бин Абдулазиз Ол Сауд** — Саудия Арабистони Подшоҳлиги Валиаҳди, Вазирлар Маҳкамаси Раиси ўринбосари, Мудофаа вазири

**Шайх Сайф бин Зоид Ол Наҳаён** — Бирлашган Араб Амирликлари Бош вазири ўринбосари, ички ишлар вазири

**Ҳасан Руҳоний** — Эрон Ислам Республикаси Президенти

**Филипп** — Бельгияликлар Қироли

**Анибал Антонио Кавако Силва** — Португалия Республикаси Президенти

**Андрей Киска** — Словакия Республикаси Президенти

**Росен Плевнелиев** — Болгария Республикаси Президенти

**Андрис Берзиньш** — Латвия Республикаси Президенти

**Александр Лукашенко** — Беларусь Республикаси Президенти

**Алмазбек Атамбаев** — Қирғизистон Республикаси Президенти

**Чионг Тан Шанг** — Вьетнам Социалистик Республикаси Президенти

**Махинда Ражапакса** — Шри-Ланка Демократик Социалистик Республикаси Президенти

**Ким Ен Нам** — КХДР Олий Халқ Мажлиси Президиумининг Раиси

**Папа Франциск** — Рим-католик черкови раҳбари

**Сергей Лебедев** — МДҲ Ижроия қўмитаси раиси — Ижрочи Котиби

**Томас Кунце** — Конрад Аденауэр номидаги жамғарманинг Марказий Осиё бўйича минтақавий вакили

**Викентий** — Тошкент ва Ўзбекистон Митрополити, Ўрта Осиё митрополия округи раҳбари

**Борис Қандов** — АҚШ ва Канада Бухоро яхудийлари конгресси Президенти

**Абдулла Хўжа** — Туркистонликларнинг Америкадаги жамияти раиси

**Юрий Штерк** — Европа Иттифоқининг Ўзбекистон Республикасидаги делегацияси раҳбари, элчи

**Стефан Приснер** — БМТнинг Ўзбекистон Республикасидаги доимий вакили

**Виллем-Александр** — Нидерландия Қироли

**Акихито** — Япония Императори

**Дидьер Буркхальтер** — Швейцария Конфедерацияси Президенти

**Милош Земан** — Чехия Республикаси Президенти

**Имомали Раҳмон** — Тожикистон Республикаси Президенти

**Гурбангули Бердимухамедов** — Туркманистон Президенти

**Пётр Порошенко** — Украина Президенти

**Қобус бин Саид** — Ўмон Султони

**Абдулфаттоҳ ас-Сиси** — Миср Араб Республикаси Президенти

**Маҳмуд Аббос** — Фаластин Давлати Президенти, Фаластин озодлик ташкилоти Ижроия қўмитаси раиси

**Ҳелен Кларк** — БМТ Тараққиёт дастури раҳбари

**Дайсаку Икеда** — «Сока Гаккай Интернэшнл» Президенти

**Франсиско Хавьер Гомес** — «Initec Energia S.A.» компанияси Бош директори

**Абдуллоҳ бин Муҳаммад Ол Соний** — Бирлашган Араб Амирликларининг «Air Arabia» авиаконпанияси бошқаруви кенгаши раиси

**Виктор Гришин** — Г.В.Плеханов номидаги Россия иқтисодийёт университети ректори, иқтисодийёт фанлари доктори, профессор

Қутловлар келиши давом этмоқда.

«Nankin — 2014»



Рустам Назарматов олган суратлар

## ОЛИМПИАДА ФОЛИБЛАРИГА ПРЕЗИДЕНТИМИЗ СОВҒАЛАРИ ТОПШИРИЛДИ

2014 йилнинг 16-28 август кунлари Хитойнинг Нанкин шаҳрида ўтказилган II ўсмирлар Олимпиадасида ёш спортчиларимиз Ватанимиз шарафини муносиб ҳимоя қилиб, 4 олтин, 3 кумуш ва 3 бронза медални қўлга киритди. Пойтахтимиздаги «Олимпия шон-шухрати» музейида 30 август куни уларга Президентимиз совғалари топширилди.

Тадбирда мустақиллик йилларида Президентимиз Ислоҳ Каримов раҳнамолигида барча жабҳаларда амалга оширилаётган кенг қўламли ислохотлар халқимизнинг эркин ва озод, тинч-осойишта, фаровон ва бахтли ҳаёт кечириши, фарзандларимизни баркамол инсонлар қилиб вояга етказишида муҳим омил бўлаётгани таъкидланди.

Халқимиз энг улуг, энг азиз байрам — Ватанимиз мустақиллигининг 23 йиллигини кенг нишонлаётган шу кунларда ҳар биримизнинг дилимизда истиқлол берган буюк неъматларга шукроналик туйғулари жўш урмоқда.

Юртбошимиз раҳнамолигида ёш авлоднинг таълим-тарбия олиши, спорт билан мунтазам шуғулланиши, ўзи истаган касб-ҳунарга эга бўлиши, иқтидор ва истеъдодини тўла намоён этиши,

жисмонан ва маънан етук, ватанпарвар, миллий ва умуминсоний қадриятлар руҳида камол топган йигит-қизлар бўлиб катта ҳаётга кириб келиши йўлида улкан ғамхўрлик кўрсатилган ўзининг юксак самараларини бераётди.

Мустақиллик йилларида шаҳару қишлоқларимизда ўтган асрларда қурилган таълим даргоҳлари ўрнини кенг ва ёруғ, барча шароитларга эга замонавий умумтаълим мактаблари, академик лицей ва касб-ҳунар коллежлари эгаллади. Мамлакатимизнинг барча ҳудудларида халқаро талабларга мос стадионлар, спорт мажмуалари, болалар ва ўсмирлар спорт мактаблари, сузиш ҳавзалари барпо этилди.

Яратилаётган ана шундай замонавий шароитларга жавобан ёшларимиз ўз олдларига қўйган юксак марралар-

га эришиб, бутун жаҳондаги тенгдошларидан кам эмаслигини ва кам бўлмаслигини исботлаб келмоқда.

Хитойнинг Нанкин шаҳрида жаҳоннинг 170 давлатидан 3500 нафардан зиёд спортчи иштирок этган II ўсмирлар Олимпиадасида ёш спортчиларимиз бутун дунёга мардлик ва жасорат бобида не-не улуг зотларнинг муносиб воясига эканини исботлади, халқимизнинг, Президентимизнинг ишончини оқлади, Ватанимиз мустақиллигининг 23 йиллик байрамига муносиб тўхфа ҳозирлади.

Қарийб икки ҳафта давомида 28 нафар спортчимиз бадий гимнастика, бокс, дзюдо, оғир атлетика, спорт гимнастikasi, стол тенниси, сузиш, таэквондо (WTF), трамполин, ўқ отиш, академик эшак эшиш, байдарка ва каноэда эшак эшиш, юнон-рум ва хотин-қизлар кураши бўйича ташкил этилган мусобақаларда Ватанимиз шарафини муносиб ҳимоя қилиб, Ўзбекистон спорти тарихида янги саҳифа очди. Спортчиларимизнинг шижоату жасорати минглаб ёшларимизга ҳақиқий ўрнак бўла олди, уларнинг ишончига ишонч

қўшиб, ғурурини янада юксалтирди.

Ёш олимпиячиларимизнинг бундай оламшумул натижалари бежиз эмас, албатта. Зеро, истиқлол берган имкониятлардан оқилона фойдаланаётган юрагида ўти бор, қалбида Ватан туйғуси жўш уриб турган ёшларимиз бундай ғалабаларга эришиши шубҳасиз.

Нанкин Олимпиадасида ёш боксчимиз Бектемир Мелиқўзиев, юнон-рум кураши устаси Илҳом Баҳромов, дзюдочи Суҳроб Турсунов ва ўқ отиш баҳсларида қатнашган Владимир Свечников Олимпиаданинг олтин медалига сазовор бўлди.

Нуфузли мусобақада спортчиларимиздан Умида Абдуллаева, Сулаймон Лати-

муносиб иштирок этди.

Тадбирда ўсмирлар ўртасидаги II Олимпия ўйинлари ғолиб ва совриндорлари ҳамда иштирокчилари Президентимиз Ислоҳ Каримов совғаси — энг сўнгги русумдаги замонавий компьютерлар билан тақдирланди.

— Олимпиада ўйинларидаги иштирокимизни юксак баҳолаган Президентимизга чексиз миннатдорлик изҳор этаман. Бундай эътибор ва ғамхўрлик бизни келгусида янада юксак марралар сари рағбатлантиради, — дейди Илҳом Баҳромов. — Эришган ютуқларимиз Президентимиз Ислоҳ Каримов раҳнамолигида спортни ривожлантириш, ёшларни ҳар томонлама қўллаб-қувватлаш ва рағбатлантиришга қаратилаётган юксак эътибор туфайлидир.

— Ўсмирлар Олимпиадасида иштирок этар эканман, Ватанимизга ёруғ юз билан қайтиб келиш, Президентимиз, халқимиз ишончини оқлаш фикри мени руҳлантириб турди, кучимга куч қўшди, — дейди Владимир Свечников. — Биз ғалабамизни энг улуг, энг азиз байрамимиз — Ватанимиз мустақиллигининг 23 йиллигига бағишлаймиз.

«Камолот» ёшлар ижтимоий ҳаракати Марказий Кенгаши раиси Б.Ғаниев, Ўзбекистон халқ шоирлари С.Сайид, И.Мирзо, ФИФА рефериси Р.Эрматов, спортчилар Б.Мелиқўзиев, С.Турсунов ва бошқалар мамлакатимизда спортни ривожлантириш, ёшларни қўллаб-қувватлаш борасида кўрсатаётган улкан эътибори учун Президентимизга миннатдорлик изҳор этди.

Тадбирда Ўзбекистон Республикасининг Бош вазири Ш.Мирзиёев сўзга чиқди.

**Б.АЙТУРОДОВ,  
Ж.ТОШХҲҲАЕВ,  
ЎЗА мухбирлари**



## Мукофотлар муборак, «Камолот»чилар!

Давлатимиз мустақиллигининг 23 йиллиги муносабати билан Ўзбекистон Республикаси Президенти турли соҳаларда фаолият кўрсатаётган мамлакатимиз салоҳиятини юксалтириш ва ислохотларни муваффақиятли амалга оширишдаги катта хизматлари, ижтимоий ҳаётдаги фаоллиги билан ёш авлодни миллий ва умуминсоний қадриятлар руҳида тарбиялашга муносиб хисса қўйган юртдошларимиздан бир гуруҳини мукофотлаш тўғрисидаги фармонга имзо чекди. Мукофотланганлар орасида ёшларнинг ҳам борлиги кишига мамнуният бағишлайди.

Истиқлолнинг дастлабки йилларидан юртимизда ёшларга оид давлат сиёсати изчил амалга оширилмоқда. Ёшларнинг таълим олиши, баркамол шахс бўлиб вояга етишлари учун шароит яратиш, саломатлигини мустаҳкамлаш, ҳуқуқ ва манфаатларини ҳимоя қилиши, жамиятда ўз ўрнини топишига кўмаклашиш, иқтидорини рўёбга чиқариш ва ҳар томонлама қўллаб-қувватлаш ишлари алоҳида эътиборда. Бу жараёнда мамлакатимиз ёшларини бирлаштирган ташкилот — «Камолот» ёшлар ижтимоий ҳаракатининг ҳам алоҳида ўрни бор.

Жорий йилда илғор ва ташаббускор «Камолот»чиларнинг меҳнати яна бир бор юксак даражада эътироф этилди. Ҳаракат тизимида фаолият кўрсатаётган олти нафар ёш мутахассис, хусусан, «Камолот» ЁИХ Марказий Кенгаши бўлим мудири **Ахтам Рўзимуродов**, Қорақалпоғистон Республикаси кенгаши раиси **Жолдасбой Абдижамил**, Бекобод тумани кенгаши етакчи мутахассиси **Мухайя Шамсутдинова**, Улуғнор тумани кенгаши «Камалак» болалар

ташкilotи раиси **Одинахон Мирзахалилова**, Тошкент йўловчи вагонларини қуриш ва таъмирлаш заводи бошланғич ташкilotи етакчиси **Муроджон Зуфаров** ва Ҳаракат қошидаги «Ўқув-услубий марказ» нодавлат таълим муассасаси Фарғона вилояти бош координатори **Элёрбек Худойбердиев** «Шухрат» медали билан тақдирланди.

«Turkiston» газетаси ижодий жамоаси давлат мукофотида сазовор бўлган бу ёшларни самимий муборакбод этади.

**Газетанинг келгуси сонларида уларнинг фаолияти билан муштарийларимизни атрофлича таништириш режалаштирилди.**

# ГЎЗАЛ ВАТАНИМИЗНИНГ УЛУҒ БАЙРАМИ



(Давоми, бошланиши 1-, 3-саҳифаларда)

Давлатимиз раҳбари томонидан автомобилсозлик, моторсозлик заводларига, нефть ва газни қайта ишлаш, замонавий маиший техникалар, компьютер ва мобиль телефонлар ишлаб чиқариш каби янги sanoat тармоқларига асос солинди. Озиқ-овқат, энгил sanoat, кимё, қурилиш материаллари sanoati корхоналари модернизация қилинди. Бугун уларда тайёрланган маҳсулотлар аҳоли эҳтиёжини тўла таъминлаб, дунё бозорларини ҳам забт этмоқда.

Яқинда Мустақил Давлатлар Ҳамдўстлиги давлатларaro статистика қўмитаси минтақа мамлакатларининг 2014 йил биринчи ярим йиллигидаги ривожланиш кўрсаткичларини эълон қилди. Унга кўра, Ўзбекистон sanoat маҳсулотлари ишлаб чиқариш бўйича МДҲда биринчи ўринни эгаллади.

Бундан атиги 23 йил олдин Ўзбекистон ушбу минтақада айни шу кўрсаткичлар бўйича энг охириги ўринларда турарди. Президентимиз раҳнамолигида иқтисодиёт таркиби тубдан ўзгартирилгани, sanoat ривожига алоҳида эътибор қаратилгани самарасида мамлакатимиз бу соҳада ҳам биринчилар сафига чиқиб олди. Бугун юртимизда юксак технологияларга асосланган кўплаб замонавий корхоналар фаолият юритмоқда. Уларда инсон учун, халқимиз эҳтиёжи учун зарур барча маҳсулотлар ишлаб чиқарилмоқда.

Шу каби ислохотлар самарасида истиқлол йилларида Ўзбекистон иқтисодиёти қарийб 5 карра ўсди. Аҳоли даромадлари жон бошига 8,7 баробар кўпайди. Кейинги ўн йилда мамлакатимиз ялпи ички маҳсулотининг ўсиш суръати 8 фоиздан ошди. Жорий йилнинг биринчи ярмида бу кўрсаткич 8,1 фоизни ташкил этди.

Дунёда камдан-кам кузатиладиган бундай натижалар

халқимизнинг ҳаёт даражасини юксалтиришга хизмат қилмоқда. Бу шахару қишлоқларимиз қиёфаси тобора ўзгариб бораётгани, юз минглаб уй-жойлар ва замонавий инфратузилма объектлари бунёд этилаётгани, одамларнинг сифатли истеъмол товарлари билан таъминланаётганида намоён бўлаётди. Мамлакатимиз ижтимоий фаровонлик, жумладан, умр кўриш давомийлиги, oilalar мустақамлиги, бозорлар тўкинлиги бўйича жаҳонда юқори ўринларни эгаллаб турибди.

Эришилган натижалар билан чекланмасдан, иқтисодиётни янада ривожлантиришнинг қўшимча имкониятлари изланмоқда. 2013 йил 22 ноябрь куни пойтахтимизда Осиё куёш энергияси форумининг олтинчи йиғилиши ўтказилди. Халқаро энергетика агентлиги, Бирлашган Миллатлар Ташкилотининг Саноатни ривожлантириш ташкилоти, Ислон тараққиёт банки ва бошқа халқаро тузилмалар вакиллари, соҳа мутахассислари ва олимлар иштирок этган анжуманда мамлакатимизда куёш энергетикасини ривожлантириш истиқболлари белгилаб олинди.

...Майдон узра наво янграйди. Сўзларга тўкилган ҳислар, ҳислардан туғилган куйлар қалбларни ҳаяжонга солади:

*Ҳеч кимни бахт  
ўз-ўзидан қўчган эмас,  
Қўш ҳам қўкка  
машаққатсиз учган эмас.  
Ойдин тунлар,  
осойишта, тиниқ тонлар  
Ойдан тушган эмас,  
қўқдан тушган эмас.*

Дарҳақиқат, ҳеч нарса осмондан тушмайди. Мақсадга, бахт-саодатга эришишнинг ўзи бўлмайди. Бу кунларга етгунча халқимиз не-не машаққатларни бошидан ўтказди. Аввало ўз фитратига, ўз қудрати ва ўз давлатига ишониб, ҳаммасини енгиб ўтди. Бугун ўша сабр-тоқатнинг, тинимсиз меҳнатнинг роҳатини

кўрмоқдамиз.

Юртимизда ҳар бир инсон меҳр ва эътиборда. Болалар спорт билан машғул. Ёшлар билим олиш, касб эгаллаш иштиёкида. Ота-оналар тўйлар қилсам, болаларимнинг камолини кўрсам, деган яхши ният билан меҳнат қилаётди. Ёши улуглар фарзандларини, эл-юртимизни дуо қилиб, тинчлик-хотиржамликда ҳаёт кечирмоқда.

Юртимизнинг ҳар бир гўшасида улкан бунёдкорлик ишлари амалга оширилмоқда. Дунё миқёсида ҳам ноёб саналган йирик заводлар, sanoat корхоналари ишга туширилмоқда.

Президентимиз ташаббуси билан мамлакатимиз шахарлари бош режа асосида қайта қурилмоқда. Буни Самарқанд, Бухоро, Андижон, Наманган, Термиз, Қарши, Урганч, Нукус, Фарғона каби шахарларимизнинг бугунги жамоли мисолида кўриш мумкин. Натижада ушбу шахарлар қиёфаси бутунлай ўзгарди, ижтимоий инфратузилма ривожланди. Маданият ва санъат саройлари, соғлиқни сақлаш, таълим, спорт муассасалари, хизмат кўрсатиш ва сервис шохобчалари, дам олиш масканлари худудлар кўркига кўрк қўшди.

Қишлоқларимизда барпо этилаётган замонавий уйлар oilalar фаровонлигини юк-

салтирмоқда. Мустақиллик байрами арафасида минглаб ана шундай янги уй-жойлар ўз эгаларига топширилди.

Юртимизда транспорт инфратузилмаси изчил ривожланмоқда. Янги йўллар, йўл ўтказгичлар бунёд этилмоқда. Мамлакатимиз худудлари ягона темир йўл тармоғига боғланмоқда. 2013 йилда улкан стратегик аҳамиятга эга яна бир янги йўл — Ангрэн-Поп темир йўли қурилиши бошланди. 124 километрлик мазкур темир йўл, шу жумладан, 19 километрлик туннель Ўзбекистоннинг марказий қисмини Фарғона водийси билан боғлайди, Шарқий Осиё мамлакатларининг Фарб давлатларига чиқишида муҳим бўлган бўлиб хизмат қилади.

Қишлоқ хўжалигида амалга оширилган туб ислохотлар, фермерлик ҳаракатининг самарадорлиги туфайли озиқ-овқат маҳсулотлари етиштириш йилдан-йилга кўпайиб бормоқда. Бозорларимиз тўкин ва фаровон, дастурхонларимиз файзу баракали. Сабзавот, картошка, полиз экинлари, мева, узум етиштириш, мева-сабзавот маҳсулотларини қайта ишлаш ҳажми ошиб бораётди.

Мамлакатимиздаги бундай фаровонлик, мўл-кўлчиликка бутун дунё ҳавас қилмоқда. Жорий йилнинг 6 июнида пойтахтимизда бўлиб ўтган «Ўзбекистонда озиқ-овқат дастурини амалга оширишнинг муҳим заҳиралари» мавзусидаги халқаро конференцияда қатнашган хорижлик мутахассислар ва ишбилармонлар буни яна бир бор эътироф этди, ютуқларимизни тан олди.

Бу йил деҳқонларимиз 8 миллион 50 минг тонналик юксак хирмон бунёд этди. Мустақилликкача дон ва ун таъминоти бўйича бошқаларга қарам бўлиб келган халқимиз айни пайтда ўз эҳтиёжини таъминлаш билан бирга, хорижий давлатларга дон экспорт қилмоқда. Фаллачилик ривожини чорвачилик ва паррандачилик каби бошқа кўплаб тармоқларга ҳам ижобий таъсир этиб, гўшт, сут, тухум каби озиқ-овқат маҳсулот-

ларининг мўл бўлишини таъминлаётди.

— Ўзбекистон мустақиллиги байрамида яна бир бор иштирок этаётганимдан мамнунман, — дейди Хитой Халқ Республикасининг мамлакатимиздаги Фавқулудда ва мухтор элчиси Сун Лицзе. — Байрам тантанасидаги кўтаринки руҳ, одамлар юз-кўзидаги қувонч ва шодлик юртингиздаги тўкинлик, фаровонлик, тинч ва осуда ҳаёт ифодасидир. Президент Ислон Каримов раҳнамолигида Ўзбекистон ҳар томонлама жадал ривожланмоқда. Буни мамлакатларимиз ўртасидаги ҳамкорлик кўлами йилдан-йилга кенгайиб, икки томонлама муносабатлар стратегик шериклик даражасига кўтарилганида ҳам кўриш мумкин. Ўзбекистон билан Хитой ўртасидаги ҳамкорлик алоқалари бундан кейин ҳам изчил тараққий этаверишига ишонаман. Фурсатдан фойдаланиб, Ўзбекистон халқини мустақиллик байрами билан чин қалбимдан муборакбод этаман, бахт-саодат тилайман!

...Байрам тантанаси янада қизийди. Ватанни, севги ва садоқатни, бугунги дорилмон кунлар шуққини мадҳ этувчи кўшиқлар янграйди. Юртдошларимиз шундай мустақил ва гўзал мамлакатда яшаётганидан гурур ва сурур туяди.

— Мен 23 ёшдаман, Истиқлолимиз билан тенгдош эканимдан, мустақиллик йилларида камолга етганимдан фахрланаман, — дейди байрам тантаналарида иштирок этган Зулфия номидаги Давлат мукофоти совриндори Дилафрўз Усмонова. — Биз бахтли авлодмиз. Шундай гўзал ва фаровон юртимиз, ёшларнинг гамхўри Президентимиз бор. Юртбошимиз табрик сўзида бизга яна бир бор мурожаат этиб, ўз меҳр-эътиборини билдирди. Бундай эътибор биз, ёшларга куч-ғайрат, қанот бағишлайди.

Қалблардан тошаётган ҳаяжон мисол самода рангбаранг мушаклар порлайди. Унинг ёғдулари одамлар юзини, бутун пойтахтимизни ёритиб юборади. Гўё халқимизнинг юзи ҳаммаша ёруғ, мамлакатимиз келажаги порлоқ бўлишидан нишона беради.

Байрам тадбирлари ернинг сунъий йўлдоши орқали дунёнинг саксондан ортиқ мамлакатига тўғридан-тўғри олиб кўрсатилди.

Йиллар ўтади, замонлар ўтади. Халқимизнинг хоҳишироҳаси, давлатимиз раҳбарининг жасорати билан қўлга киритилган Мустақиллик кунини мамлакатимиз тарихидан асло ўчмайдиган абадий сана бўлиб қолади. Асрларга татигулик бу кун асрлар давомида энг улуг, энг азиз байрам сифатида нишонланаверади.

**Анвар САМАДОВ,  
ЎЗА МУҲБИРИ**



ЎЗА фотомухбирлари Сарвар ЎРМОҢОВ, Аёло АБДУЛЛАЕВ олган суратлар

## Iqtidorli yoshlar — mamlakat kelajagi

## Ёш олим кристалл йод олишнинг янги технологиясини тақлиф этмоқда

Жаҳон соғлиқни сақлаш ташкилотининг маълумотига кўра, дунёда икки миллиардга яқин инсон йод танқислигидан азият чекмоқда. Натижада эндемик буқоқ, тиреотоксикоз, ақлий ва жисмоний ривожланишдан ортда қолиш, кретинизм сингари касалликларнинг ривожланиш хавфи янада ортапти.

XX асрнинг охириги ўн йилликларида олиб борилган чора-тадбирлар йод етишмовчилигини енгиш йўлида ижобий натижалар берди. Бироқ йод танқислиги касалликлари кўплаб давлатларда барибир долзарблигича қолмоқда. Аҳолининг йодланган тузга бўлган эҳтиёжини тўлиқ қондириш орқали муаммони ҳал этиш мумкин. Лекин йодга нисбатан кундалик эҳтиёж ёшга, физиологик ҳолатга (ҳомилдорлик, эмизиш), атроф-муҳитнинг таъсирига боғлиқ. Йод етишмаслиги оқибатида қалқонсимон без касаллиги юзага келади. Бу касалликнинг ривожланиш хавфи эса кўпроқ болалар, ўсмирлар, туғруқ ёшидаги, ҳомилдор ва эмизикли аёлларда юқори бўлади.

Ёш тадқиқотчи Азиза Холбоева ана шундай муаммоларнинг олдини олиш мақсадида хлорсиз усулда озон ёрдамида қуёш нури таъсирида кристалл йод олиш ва уни қалқонсимон без касаллигида қўллаш технологиясини жорий этиш ғоясини илгари сурмоқда.

— Илмий тадқиқотимнинг асосий вазифалари — йод танқислиги касалликларининг

олдини олиш ва даволаш, динамикасини ўрганиш, йод ишлаб чиқаришда ривожланган мамлакатлар тажрибасини ўзлаштириш, маҳаллий хомашёлар билан экологик тоза йод олиш технологиясини яратиш ҳамда амалиётга татбиқ этишдан иборат, — дейди ёш тадқиқотчи, Термиз давлат университети талабаси Азиза Холбоева. — Илмий раҳбарим, кимё фанлари доктори, профессор Ҳайит Тўраев билан Сурхондарё вилоятининг Какайди, Ховдак ва Учқизил ҳавзалари суви таркибида йод борлигини аниқладик. Агар йод олишни саноат миқёсида ҳисобга оладиган бўлсак, Какайди сув ҳавзасидан йилига 2,5 тонна, Ховдакдан икки тоннаю етти юз килограмм, Учқизил сув ҳавзасидан эса бир ярим тоннагача йод олишимиз мумкин.

Саноатда кристалл йод йодидларга хлор таъсир эттириб олинади. Лекин йод олишда ишлатилган хлор атроф-муҳитни захарлайди. Агар йод олишда хлор ўрнига озондан фойдалансак, йод билан биргаликда калий ишқорини ҳам олишимиз мумкин.

Хлорсиз усулда йод олиш учун сув таркибидаги йодид-



лар анионит ёрдамида концентранди. Сўнг йодидлар концентрати бўлган реакторга озон юборилади. Реакция натижасида ажралган кислород яна озонатор қурилмасига қайта юборилади. Натижада ҳосил бўлган кристалл йод филтрланади ва ажратиб олинади.

Сув таркибидаги бромид ионларининг анионитга ютилишининг олдини олиш учун элементар бромга тўйинтирилган анионит ишлатилади. Зарур электр энергия эса қуёш батареясида олинади.

Илмий ишимда йод ишлаб чиқаришда йодид концентратини оксидлаш учун озондан

фойдаланиш таклифини билдиришди. Таклиф этилаётган усул воситасида йод олиш йўлга қўйилса, экологик тоза, нисбатан арзон йод ишлаб чиқарилади. Мухими, аҳоли ўртасида йод танқислиги натижасида учрайдиган касалликларнинг олди олинади. Шунингдек, республикамизда йод ва уни сақловчи маҳсулотлар, дори воситаларига бўлган эҳтиёж тўлиқ қондирилиб, ҳатто, экспорт қилиш имкониятига эга бўлаемиз.

Азиза ўзи тақлиф этаётган усул бўйича дастлабки илмий-тадқиқот ишларини олиб бориб, вилоятдаги Какайди, Ховдак ва Учқизил ҳавзалари-

даги сувдан олинган намуналар таркибини лабораторияда ўрганди. Натижада йодидларни концентрлаш ва концентратлардан озон ёрдамида йод олишнинг лаборатория моделини ишлаб чиқди.

Тадқиқотчининг айтишича, бугунги кунда мамлакатимизда йод моддасига бўлган талаб ўн олти тоннани ташкил этар экан. Азиза Холбоеванинг илмий тадқиқоти амалиётда қўллansa, ўн олти тонна йод моддасининг олти миш фоизини Сурхондарё вилоятидаги захиралар ҳисобидан қоплаш мумкин. Шунингдек, мазкур манбалардан йилига саноатбоп 180 тоннагача бром моддаси олиш имконияти мавжуд.

Жаҳон бозорида бир килограмм кристалл йоднинг нархи 298,2 минг сўм бўлса, Азиза Холбоева тақлиф этаётган усулда ишлаб чиқариладиган бир килограмм кристалл йод учун 108,4 минг сўм сарфланади, холос. Ёш тадқиқотчининг мазкур лойиҳаси орқали кристалл йод ишлаб чиқариш учун уч юз миллион сўм маблағ зарур. Ушбу маблағ эвазига зарур технология ўрнатилиб, ишлаб чиқариш йўлга қўйилса, йиллик соф фойда 512,6 миллион сўм бўлиши кутилмоқда. Демак, харажатлар бир йилда ўзини ортиғи билан қоплайди. Бундан кўриниб турибдики, лойиҳа ниҳоятда долзарб.

Ёш тадқиқотчи республика миқёсидаги кўплаб халқаро илмий конференцияларда қатнашиб келмоқда. У илмий тадқиқот мавзуси билан «Юрт келажиги — 2013» республика иқтидорли ёшлар танлови голиби бўлди. Жорий йилда эса «Юксак маънавиятли авлод» республика фестивалида фаол қатнашди.

**Рустам ЮСУПОВ,**  
«Turkiston» мухбири

## «Kamolot» ko'z'gusi

## Ёшлар судья билан учрашди

Ҳуқуқ-тартибот идоралари вакиллари иштирокида ўтказилган учрашув, давра суҳбатлари тенгдошларимизнинг сиёсий-ҳуқуқий саводхонлигини оширишда муҳим аҳамиятга эга. Яқинда Қорақалпоғистон Республикаси фуқаролик ишлари бўйича Олий судида ана шундай учрашув бўлиб ўтди.

«Суд ва ёшлар» деб номланган учрашув «Камолот» ёшлар ижтимоий ҳаракати Қорақалпоғистон Республикаси Кенгаши томонидан ташкил этилди. Унда Ҳаракат фаоллари Қорақалпоғистон Республикаси фуқаролик ишлари

бўйича Олий суди судьяси З.Бобожонова билан суҳбатлашди. Мутахассис ёшларга давлат ҳокимияти органлари фаолияти, ёшлар ўртасида ҳуқуқий таълим-тарбияни кучайтириш чора-тадбирлари, жамиятда қонун устуворлигини таъминлаш, қонунларнинг моҳияти хусусида гапириб берди.

— Ёшларга оид меъёрий ҳужжатларни ишлаб чиқишда, мавжуд қонунларнинг ижросини таъминлашда ёшларнинг иштироки жуда муҳим, — дейди «Камолот» ЁИХ Қорақалпоғистон Республикаси Кенгаши бўлим мудири Омонйўл Алланиёзов. — Бу каби тадбирлар эса ёшларга қонунлар ҳақида ўз фикр-мулоҳазалари, таклифларини билдириш имконини беради.

**Кумар БЕГНИЯЗОВА,**  
«Turkiston» мухбири

## Bandlik dasturi — amalda

## Истаганга иш топилмади

Навоий шаҳрида вилоят прокуратураси, Марказий банк вилоят бошқармаси, Навоий шаҳар ҳокимлиги, «Адолат» социал-демократик партияси вилоят кенгаши ҳамда бандликка кўмаклашиш ва аҳолини ижтимоий муҳофаза қилиш маркази ҳамкорлигида «Бўш иш ўринлари ярмаркаси» ташкил этилди.

«Ягонасан, муқаддас Ватаним, севги ва садоқатим сенга бахшида, гўзал Ўзбекистоним!» шиори остида ташкил этилган ярмаркада корхона, ташкилот ва муассаса вакиллари вақтинча ишсиз фуқаролар ва коллеж битирувчиларига вақант лавозимлар, бўш жойлар, иш ҳақи ҳамда қўшимча имтиёзлар ҳақида батафсил маълумот берди.

Ярмаркада вилоятдаги 140дан ортиқ корхона, ташкилот ва муассаса 460та бўш иш ўрни билан қатнашди. Ишлаш истагини билдирганлар билан шартномалар тузилди.

**Отабек АСЛОНОВ,**  
Навоий вилояти

«ИСТИҚЛОЛ ФАРЗАНДЛАРИ»  
ЁШЛАР ФЕСТИВАЛИ ИШТИРОКЧИЛАРИ

— *Пойтахтимизда кўтаринки руҳда ташкиллаштирилган «Истиқлол фарзандлари» ёшлар фестивалида иштирок этиб, ўзим учун жуда кўп нарса олдим. Аввало, ушбу фестиваль мени ҳеч қачон эришган натижалар билан чекланиб қолмасликка ўргатди. Кўрдимки, бу ерга келган тенгдошларимнинг ҳар бири истеъдодли, ўз олдида катта мақсадлар қўйган йигит-қизлар. Бирортасининг мен мана шундай ютуқларни қўлга киритганман, дея хотиржамликка берилганини сезмадим.*

*Гулистон давлат университети қошидаги 2-академик лицейда ўқийман. Ҳадемай, ўқишни битириб, олий таълим муассасасига ҳужжат топшираман. Фестиваль менга келгусида қайси университетда ўқишим борасида бир қарорга келишимга ёрдам берди. Турин политехника университетиди бўлиб, у ердаги шароитлар, таълим йўналишлари билан танишиб, келажакимни шу олий ўқув юрти билан боғлашни кўнглимга тугиб қўйдим.*

*Мамлакатимизнинг иқтисодий салоҳияти юқори, иштов билан ривожланаяпти. Унинг тараққиетида ўз билимим, янги ва фойдали ғояларим, ишларим билан ҳисса қўишини мақсад қилганман.*



**Шахноза Саматова,**  
Таэквондо бўйича олти карра Ўзбекистон чемпиони, қора белбоғ соҳиби:

# Ўзбекистон ифтихори билан учрашув

«Эл-юрт ҳурмати» ордени, «Ўзбекистон ифтихори» фахрий унвони соҳиби, ФИФА рефериси Равшан Эрматов билан учрашув навоийлик тенгдошларимиз учун қувончли воқеа бўлди. Навоий шаҳридаги «Ёшлар маркази»да бўлиб ўтган тадбирда ёшлар таниқли футбол ҳақами билан илк бор юзма-юз суҳбатлашиб, унинг нафақат спортдаги фаолияти, шу билан бирга ёшликнинг кенг имкониятлари, улардан фойдаланиш ҳар бир ўғил-қиз учун масъулиятли бурч экани тўғрисидаги фикрларидан баҳраманд бўлди.



— Жароҳатланиб, футболчилик фаолиятимни якунлашга мажбур бўлган пайтларим албатта оғир кечган, — деди Равшан Эрматов ҳакамлик фаолиятининг дастлабки йиллари ҳақида гапирар экан. — Бироқ мен олдимга юқори мақсадлар қўйган эдим, шунинг учун курашдан тўхтамадим. Сиз ҳам олдингизга ҳеч қачон оддий мақсад қўйманг, танлаган касбингиз оддий бўлса ҳам, сиз ўз интилишингиз, меҳнатингиз, билимингиз билан ана шу касбда юксак чўққиларни забт этишингиз мумкин.

Равшан Эрматов футбол бўйича жаҳон чемпионатлари тарихида тўққизта ўйинни бошқариб, энг юқори натижага эришгани ҳақидаги саволга шундай жавоб берди:

— Аслида жаҳон чемпионатидек нуфузли мусобақада битта ўйинда ҳакамлик қилиш ҳам шараф. Биз, ўзбекистонлик ҳакамларга эса ФИФА бу гал тўртта ўйинни ишониб топширди. Бу нафақат бизга, балки бутун ўзбек спортга, халқимизга билдирилган ишонч, деб биламан.

Учрашувда ёш спортчилар, ўқувчилар, футбол мухлислари иштирок этди. Жаҳон футболдаги энг таниқли шахслардан бири Равшан Эрматов ёшларга шундай тилак билдирди:

— Инсон истеъдодли, кучли, иродали бўлиши мумкин, лекин унинг қалбида эзгу туйғулар, эл-юртига, яқинларига, устозларига меҳру муҳаббати, садоқати бўлма-са, ундан Ватан наф кўрмайди. Ишонаман, сиз ҳаммангиз ўзбекистонни жондан азиш кўрасиз. Истагим: келгусида қайси касб эгаси бўлманг, кўнглингизда ана шу муҳаббат ёниб турсин. Шунда мақсадингизга эришасиз.

Навоий вилоят ҳокимлиги, маданият ва спорт ишлари бошқармаси ҳамкорлигида уюштирилган мулоқот ёшларда ёрқин таассурот қолдирди.

**Дилдора КАТТАЕВА,**  
Навоий вилояти

## YONDAFTARCHANGIZGA

Тириклик жисмининг идрок ва ҳаракатга эга бўлмоғи демакдир.

**Абу Али ибн Сино**

## «Kamolot» loyihalari



# Янги фоялар, режалар

Бугунги етакчи қандай бўлиши керак? Ушбу савол «Камолот» ёшлар ижтимоий ҳаракатининг ўрта махсус, касб-хунар таълими муассасаларидаги бошланғич ташкилот етакчилари республика форумининг асосий мавзусига айланди.

23 — 28 август кунлари Тошкент вилоятининг Бўстонлик туманида жойлашган «Камолот» ёшлар оромгоҳида «Ватан равнақи йўлида бирлашайлик!» шиори остида бўлиб ўтган ушбу форумда республикамизнинг турли ҳудудларидан энг намунали деб топилган 134 нафар етакчи Ватан равнақи, ёшлар камолоти йўлида бирлашди. Улар сўлим табиат қўнида билим, тажриба ва малака оширди. Ранг-баранг таклифлари, ташаббуслари ҳамда фикр-мулоҳазалари билан ўртоқлашди. Ягона мақсад — бошланғич ташкилотлар фаолият самарадорлигини ошириш, илғор тажрибаларни оммалаштириш, етакчилик қобилиятини ривожлантириш.

Президентимиз Ислон Каримовнинг 2014 йил 6 февралда қабул қилинган «Ўзбекистон Республикасида ёшларга оид давлат

сиёсатини амалга оширишга қаратилган кўшимча чора-тадбирлар тўғрисида»ги қарорига мувофиқ, жорий йилнинг май-июль ойларида ўтказилган Ҳаракатнинг ўрта махсус, касб-хунар таълими муассасаларидаги бошланғич ташкилотлар етакчиларининг маҳаллий ва ҳудудий ўқув-семинарлари ҳамда «Энг намунали бошланғич ташкилот» кўрик-танловининг қўйи босқичларида 1 минг 510 нафар бошланғич ташкилот етакчиси иштирок этди. Улардан 134 нафари республика форумида қатнашди.

— Беш кунлик форумда иштирокчилар гуруҳларга бўлиниб, малакали мутахассислардан иборат тренерлар ёрдамида етакчи фаолиятини ташкил этиш, унинг бошқарувчилик ва нотиклик қобилиятларини ривожлантириш; ёшлар билан ишлашда педагогик ва

психологик технологиялардан самарали фойдаланиш; лойиҳа ва таклифлар ишлаб чиқиш ҳамда ташаббуслар кўрсатиш каби йўналишларда маҳоратларини оширди, — дейди «Камолот» ЁИХ Марказий Кенгашининг бошланғич ташкилотлар билан ишлаш бўлими мудир Ахтам Рўзимуродов. — Шунингдек, семинарлар давомида иштирокчилар томонидан бошланғич ташкилотларнинг намунавий иш режаси ҳамда тизимда амалга оширилаётган лойиҳаларининг маҳаллий ва ўтган йилги форумдан сўнг етакчилар фаолияти сезиларли даражада яхшиланди. Буни форум доирасида ўтказилаётган тадбирлар самараси дейиш мумкин.

Бугун ўрта махсус, касб-хунар таълими муассасаларида Ҳаракатнинг 1 минг 552та бошланғич ташкилоти мавжуд. Уларнинг иш фаолияти самарадорлигини янада яхшироқ қилиш учун 2012 йил «Камолот» ёшлар ижтимоий ҳаракати ўрта махсус, касб-хунар таълими муассасаларидаги бошланғич ташкилотларининг янги низоми ва ташкилий ту-

зилмаси тасдиқланди. Унга кўра, энг намунали бошланғич ташкилотлар ва уларнинг етакчиларини рағбатлантиришга қаратилган аниқ механизм яратилди.

Форум доирасида ўтказилган «Заковат» интеллектуал беллашуви, футбол, волейбол, стол тенниси ва шахмат мусобақалари етакчиларини тезкор ва яқдиллик билан ҳаракат қилишга ундади. Гуруҳларнинг саҳна чиқишларида эса ҳудудлардаги бошланғич ташкилотлар етакчилари фаолиятида учраётган муаммолар ва уларнинг ечимлари акс этди.

— Форум катта тажриба майдонига айланди, — дейди сирдарёлик етакчи Бобомурод Асадов. — Бу ерда ҳар ким ўзига керакли билим ва кўникмаларга эга бўлди. Янги ўқув йилида иштиёқ билан ишласак, Ҳаракат фаолияти янада жонланади.

Форум иштирокчилари «Энг намунали бошланғич ташкилот» танловининг республика босқичида Олий Мажлис Қонунчилик палатаси депутатлари ва Фуқаролик жамияти шаклланишини мониторинг қилиш мустақил институти ҳамда «Камолот» ЁИХ Марказий Кенгаши мутахассисларидан иборат экспертлар олдида тақдиротларини намойиш этди. Экспертлар гуруҳи тақдиротларни баҳорлашда бошланғич ташкилотга таълим муассасасида яратиб берилган шариоитлар, ёшлар билан боғлиқ масалаларни ҳал этишда етакчининг шахсий ташаббускорлиги, билим ва кўникмаси, етакчилик қобилиятига алоҳида эътибор қаратди.

Танлов натижаларига кўра, 134 нафар иштирокчи орасидан ўн нафар бошланғич ташкилот етакчиси энг намунали деб топилди, рағбатлантирилди. Форум якунида иштирокчилар пойтахтимиздаги Мустақиллик ва Эзгулик монументи пойига гул қўйиб, «Бунёдкор» стадионига саёҳат қилди.

**Р. ЮСУПОВ,**  
«Turkiston» мухбири

## ЗУККО МУХЛИСГА САВОЛ:

Буюк ўзбек олими Абу Райҳон Берунийнинг бу асари жаҳоннинг қўлаб тилларига таржима қилинган, у ҳақда олимлар жуда кўп фикр билдирган. Тарихчи Ёқут ушбу асарни «математика ва астрономия бўйича унчага ёзилган ҳамма китоблар изини ўчириб юборди», дея таърифлайди.

Айтнинг-чи, тарихчи Берунийнинг қайси асари ҳақида шундай фикр билдирган?

Жавобингизни **2 сентябрь** соат **16:00**га қадар **233-79-69, 233-95-97** рақамлари орқали билдиришингиз мумкин. Тўғри жавоб йўллаган мухлислар номи газетамизда эълон қилинади.

Ўтган сондаги саволнинг жавоби: **Куралай.** Тошкент давлат аграр университети талабаси **Фаррух Мустафоев** тўғри жавоб йўллади.